

TRENLIN SR TABLET 400MG[®]

Pentoxifyline 400mg

Apakah yang terkandung dalam risalah ini

1. Apakah kegunaan Trenlin SR Tablet 400mg
2. Bagaimana Trenlin SR Tablet 400mg berfungsi
3. Sebelum menggunakan Trenlin SR Tablet 400mg
4. Cara menggunakan Trenlin SR Tablet 400mg
5. Semasa menggunakan Trenlin SR Tablet 400mg
6. Kesan-kesan sampingan
7. Cara penyimpanan dan pelupusan Trenlin SR Tablet 400mg
8. Maklumat lanjut
9. Pengilang dan Pemegang Pendaftaran Produk
10. Tarikh kemaskini RIMUP

Apakah kegunaan Trenlin SR Tablet 400mg

Trenlin SR Tablet 400mg ialah sejenis ubat yang digunakan untuk mempertingkatkan peredaran darah.

Trenlin SR Tablet 400mg digunakan untuk merawat simptom-simptom penyakit kronik arteri oklusif. Simptom penyakit ini termasuk kepincangan dan sakit, biasanya pada bahagian otot kaki.

Doktor anda mungkin membekalkan Trenlin SR Tablet 400mg kepada anda untuk tujuan yang lain.

Tanya doktor anda sekiranya anda mempunyai sebarang persoalan tentang tujuan Trenlin SR Tablet 400mg dibekalkan kepada anda.

Trenlin SR Tablet 400mg hanya akan dibekalkan jika terdapat preskripsi daripada doktor.

Bagaimana Trenlin SR Tablet 400mg berfungsi

Trenlin SR Tablet 400mg merupakan pil perlepasan perlahan di mana kandungan aktifnya dilepaskan secara perlahan dalam beberapa jam.

Sebelum menggunakan Trenlin SR Tablet 400mg

- Bila tidak boleh menggunakan

Jangan mengambil Trenlin SR Tablet 400mg jika anda:

- Baru lepas pembedahan
- Masalah pendarahan
- Masalah jantung, seperti serangan sakit jantung
- Masalah buah pinggang atau hati
- Ulser perut atau sejarah ulser
- Alah terhadap kafein atau theophylline (sejenis ubat digunakan untuk merawat asma)

Jangan mengambil Trenlin SR Tablet 400mg jika anda alah terhadapnya atau sebarang bahan yang disenaraikan pada bahagian akhir risalah ini.

Jangan memberi Trenlin SR Tablet 400mg kepada kanak-kanak atau remaja. Tidak ada sebarang pengalaman dengan penggunaan Trenlin SR Tablet 400mg terhadap kanak-kanak atau remaja berumur di bawah 18 tahun.

Jangan mengambilnya jika anda hamil atau berniat untuk hamil. Trenlin SR Tablet 400mg boleh menjejaskan bayi yang sedang membesar jika anda mengambilnya semasa hamil. Doktor atau ahli farmasi anda akan membincangkan tentang risiko dan manfaat mengambil Trenlin SR Tablet 400mg semasa hamil.

Jangan mengambilnya jika anda menyusu bayi atau bercadang untuk menyusukan bayi.

Jangan mengambil Trenlin SR Tablet 400mg selepas tarikh luput (EXP) yang dicetak pada pek. Jika anda mengambilnya selepas tarikh luput, ia mungkin tidak berkesan.

Jangan mengambilnya jika pembungkusan ubat terkoyak atau terdapat tanda salahguna.

Dapatkan nasihat doktor atau ahli farmasi sebelum mengambil sebarang ubat.

- Sebelum mengguna

Beritahu doktor atau ahli farmasi anda jika anda alah terhadap:

- sebarang bahan yang disenaraikan pada bahagian akhir risalah ini
- sebarang ubat lain yang mengandungi kafein atau theophylline (sejenis ubat digunakan untuk merawat asma)
- sebarang bahan lain, seperti makanan, pengawet atau pewarna.

Beritahu doktor atau ahli farmasi anda jika anda hamil atau berniat untuk hamil. Seperti kebanyakan ubat jenis ini, Trenlin SR Tablet 400mg tidak dinasihati untuk dimakan semasa hamil. Doktor atau ahli farmasi anda akan membincangkan tentang risiko dan manfaat mengambil Trenlin SR Tablet 400mg semasa hamil.

Beritahu doktor atau ahli farmasi anda jika anda menyusu bayi atau bercadang untuk menyusu bayi. Trenlin SR Tablet 400mg melalui susu ibu dan terdapat kebarangkalian bayi anda akan terjejas. Doktor anda akan membincangkan tentang risiko dan manfaat mengambil Trenlin SR Tablet 400mg jika anda

menyusukan bayi atau bercadang untuk menyusukan bayi.

Beritahu doktor anda jika anda mempunyai atau pernah mempunyai sebarang masalah kesihatan, terutamanya:

- penyakit buah pinggang atau hati
- masalah tekanan darah
- masalah jantung seperti denyutan jantung yang tidak teratur atau pantas

Beritahu doktor atau ahli farmasi anda jika anda akan menjalani pembedahan.

Jika anda belum beritahu doktor atau ahli farmasi anda tentang mana-mana di atas, beritahu mereka sebelum anda mula mengambil Trenlin SR Tablet 400mg.

- Jika mengambil ubat-ubatan lain

Beritahu doktor atau ahli farmasi anda jika anda sedang mengambil sebarang ubat lain, termasuk ubat yang anda beli tanpa preskripsi daripada ahli farmasi anda, pasar raya atau kedai makanan kesihatan.

Sesetengah ubat boleh bertindak balas dengan Trenlin SR Tablet 400mg. Ini termasuk:

- warfarin dan ubat lain yang diguna untuk menghentikan pembekuan darah.
- ubat yang digunakan untuk merawat penyakit darah tinggi
- theophylline, sejenis ubat digunakan untuk merawat asma.
- ubat yang digunakan untuk mengubati diabetes
- ubat yang digunakan untuk mengubati simptom batuk dan selsema

Ubat-ubat ini mungkin akan dijejaskan oleh Trenlin SR Tablet 400mg, atau menjejaskan keberkesanan. Anda mungkin

perlu mengambil ubat anda dalam amaun yang berlainan atau mengambil ubat yang lain. Doktor atau ahli farmasi anda akan menasihati anda.

Doktor atau ahli farmasi anda mempunyai lebih informasi tentang langkah berjaga-jaga untuk penggunaan ubat ini atau yang perlu dielakkan semasa mengambil Trenlin SR Tablet 400mg.

Cara menggunakan Trenlin SR Tablet 400mg

- Berapa banyak harus digunakan

Doktor atau ahli farmasi anda akan menasihati kuantiti pil yang anda perlu ambil setiap hari. Ini bergantung kepada keadaan anda dan sama ada anda mengambil ubat lain.

Dos biasa ialah satu pil tiga kali sehari.

Doktor anda mungkin mempreskripsikan dos yang berlainan.

Tanya doktor atau ahli farmasi anda sekiranya anda tidak pasti dos yang betul untuk anda.

Ikut arahan doktor atau ahli farmasi anda dengan teliti.

Sekiranya anda mengambil dos yang salah, Trenlin SR Tablet 400mg mungkin tidak akan berkesan dan penyakit anda mungkin tidak akan bertambah baik.

- Bila perlu digunakan

Ambil Trenlin SR Tablet 400mg semasa atau sebaik sahaja selepas makan, pada masa yang sama setiap hari.

Jika anda mengambilnya dengan perut kosong, ia mungkin menyebabkan sakit perut.

Ambil Trenlin SR Tablet 400mg pada masa yang sama setiap hari.

Mengambil Trenlin SR Tablet 400mg pada masa yang sama setiap hari akan memberi kesan terbaik. Ia juga akan membantu anda mengingati masa mengambil ubat.

Jika anda tidak pasti masa pengambilan Trenlin SR Tablet 400mg, tanya doktor atau ahli farmasi anda.

- Berapa lama perlu digunakan

Teruskan penggunaan ubat ini untuk tempoh masa yang ditetapkan oleh doktor dan ahli farmasi anda.

Ubat ini membantu mengawal penyakit anda, tetapi ia tidak boleh menyembuhkannya. Jadi, anda harus mengambilnya setiap hari.

Trenlin SR Tablet 400mg mengambil masa untuk bertindak. Simptom anda mungkin beransur pulih dalam 2 – 4 minggu, bagaimanapun ia mungkin mengambil masa 8 minggu untuk menunjukkan kesannya.

Jika anda tidak pasti masa pengambilan Trenlin SR Tablet 400mg, tanya doktor atau ahli farmasi anda.

- Jika terlupa menggunakan

Jangan menebus dos yang terlepas dengan mengambil lebih daripada satu dos pada masa yang sama. Ini mungkin menambah risiko mendapat kesan sampingan yang tidak diingini.

Jika sudah dekat waktu dos seterusnya, tinggalkan dos yang anda terlupa dan ambil dos berikutnya mengikut jadual biasa.

Jika masih ada tempoh masa yang lama sebelum dos seterusnya, ambil Trenlin SR Tablet 400mg secepat yang anda ingati dan kemudian kembali mengambil dos anda seperti biasa.

Jika anda tidak pasti apa yang harus dilakukan, tanya doktor atau ahli farmasi anda.

Jika anda menghadapi masalah untuk mengingati masa untuk mengambil ubat, sila dapatkan petua daripada ahli farmasi anda.

- Jika mengambil berlebihan (terlebih dos)

Jika anda fikir anda atau sesiapa sahaja mungkin terlebih mengambil ubat Trenlin SR Tablet 400mg, hubungi doktor anda atau pergi ke Jabatan Kecemasan hospital yang terdekat dengan segera.

Berbuat demikian meskipun tiada sebarang tanda ketidakselesaian atau keracunan.

Anda mungkin memerlukan rawatan perubatan dengan segera.

Jika anda terlebih mengambil Trenlin SR Tablet 400mg, anda mungkin berasa muka merah-merah, gayang atau pening, mengantuk atau anda juga boleh merasa samar-samar.

Semasa menggunakan Trenlin SR Tablet 400mg

- Perkara yang perlu dilakukan

Telan seluruh pil dengan segelas air atau cecair lain. Jangan kunyah atau hancurkan pil.

Maklumkan kepada semua doktor, doktor gigi dan ahli farmasi yang merawat anda bahawa anda sedang menggunakan Trenlin SR Tablet 400mg.

Jika anda akan mengambil sebarang ubat baru, beritahu doktor dan ahli farmasi anda bahawa anda sedang mengambil Trenlin SR Tablet 400mg.

Jika anda akan menjalani pembedahan yang memerlukan anestetik umum, beritahu doktor atau doktor gigi anda bahawa anda

sedang makan Trenlin SR Tablet 400mg.

Jika anda hamil semasa anda mengambil Trenlin SR Tablet 400mg, beritahu doktor anda dengan segera.

- Perkara yang tidak boleh dilakukan

Jangan mengambil dos yang berlebihan melainkan diberitahu doktor anda.

Jangan beri Trenlin SR Tablet 400mg kepada orang lain, walaupun mereka mempunyai keadaan yang serupa dengan anda.

Jangan menggunakan Trenlin SR Tablet 400mg untuk merawat sebarang aduan lain, melainkan doktor anda memberitahu anda untuk berbuat demikian.

Jangan berhenti mengambil Trenlin SR Tablet 400mg atau mengurangkan dos ubat sebelum berbincang dengan doktor anda.

Jangan berhenti mengambil pil anda kerana berasa lebih sihat, kecuali dinasihati oleh doktor atau ahli farmasi anda.

- Perkara yang perlu diberi perhatian

Memandu dan menggunakan jentera

Berhati-hati ketika memandu atau mengendalikan mesin sehingga anda memahami bagaimana Trenlin SR Tablet 400mg boleh mempengaruhi anda.

Trenlin SR Tablet 400mg mungkin menyebabkan pening atau gayang pada sesetengah orang. Pastikan anda tahu bagaimana anda bertindak balas terhadap Trenlin SR Tablet 400mg sebelum anda memandu kereta atau melakukan apa-apa kerja yang mungkin membahayakan jika anda berasa pening.

Kesan-kesan sampingan

Seperti ubat-ubatan lain, Trenlin SR Tablet 400mg boleh menyebabkan kesan sampingan, walaupun bukan semua orang mengalaminya. Kadang kala kesan sampingan ini serius, tetapi selalunya tidak. Doktor atau ahli farmasi anda telah mempertimbangkan risiko anda mengambil ubat ini berbanding manfaat yang dijangkakan.

Jumpa doktor atau ahli farmasi anda dengan segera jika anda mengalami mana-mana daripada yang berikut yang membimbangkan anda:

Kesan sampingan ringan yang berjangka pendek:

- loya, muntah atau sakit perut
- rasa perut kembung
- cirit-birit atau sembelit
- pening
- sakit kepala
- masalah tidur
- penglihatan yang kabur
- mengantuk
- ruam

Kesan sampingan serius yang jarang berlaku:

- menggeletar
- pendarahan atau lebih mudah lebam daripada biasa
- kekuningan pada kulit dan mata (jaundis)

Kesan sampingan yang sangat serius tetapi jarang berlaku:

Jika mana-mana yang berikut berlaku, berhenti mengambil Trenlin SR Tablet 400mg dan beritahu doktor anda dengan segera atau pergi ke hospital yang berdekatan:

- Sesetengah simptom seperti reaksi alahan termasuk ruam pada kulit, gatal, kesusakan nafas, atau bengkak pada muka, bibir, mulut, lidah atau kerongkong yang boleh menyebabkan kesukaran menelan atau bernafas.

Jangan khuatir dengan senarai kesan sampingan ini. Anda mungkin tidak akan mengalaminya.

Beritahu doktor atau ahli farmasi anda jika anda notis apa-apa sahaja yang membuat anda berasa kurang sihat.

Kesan sampingan lain yang tidak disenaraikan di atas mungkin berlaku dalam sesetengah pengguna.

Tanya doktor atau ahli farmasi anda untuk menjawab sebarang persoalan yang anda ada.

Anda boleh melaporkan sebarang kesan sampingan atau kesan advers ubat kepada Pusat Pemantauan Kesan Advers Ubat Kebangsaan melalui laman web npra.gov.my [*Consumers*]

→ *Reporting Side Effects to Medicines (ConSERF) Or Vaccines (AEFI)*

Cara penyimpanan dan pelupusan Trenlin SR Tablet 400mg

- Penyimpanan

Simpan pil anda dalam botol kaca ambar asalnya sehingga tiba masa untuk mengambil ubat tersebut.

Jika anda mengeluarkan pil daripada botol kaca ambar, ubat tidak boleh disimpan dengan baik.

Simpan ubat di dalam bekas yang ditutup rapat dan di tempat yang kering, di mana suhu berada di bawah 25°C.

Jangan simpan Trenlin SR Tablet 400mg atau ubat lain dalam bilik mandi, dekat dengan sinki atau di sisi tetingkap.

Jangan tinggalkan ubat dalam kereta. Hangat dan kelembapan akan merosakkan sesetengah ubat.

Jauhkan Trenlin SR Tablet 400mg daripada kanak-kanak.

Almari yang berkunci sekurang-kurangnya satu setengah meter dari aras lantai ialah tempat yang sesuai untuk menyimpan ubat.

- Pelupusan

Jika doktor atau ahli farmasi anda menyuruh anda berhenti mengambil Trenlin SR Tablet 400mg, atau ubat itu sudah luput tarikh, sila bertanya kepada ahli farmasi anda apa yang harus dilakukan pada baki ubat tersebut.

Maklumat lanjut

- Rupa dan warna produk

Pil bersalut film berwarna merah jambu, berbentuk “caplet”, Kosong di kedua-dua belah.

- Bahan-bahan kandungan

- Bahan aktif
400 mg pentoxifylline setiap pil.
- Bahan inaktif
 - Hydroxyethyl cellulose
 - Magnesium stearate
 - Povidone
 - Opadry pink

- Nombor MAL MAL05032541AZ

Pengilang

Duopharma Manufacturing (Bangi) Sdn. Bhd.
Lot No. 2&4, Jalan P/7, Section 13,
Bangi Industrial Estate, 43650
Bandar Baru Bangi, Selangor

Pemegang Pendaftaran Produk

Duopharma Manufacturing (Bangi) Sdn. Bhd.
Lot No. 2,4,6,8&10, Jalan P/7, Section 13,
Bangi Industrial Estate, 43650
Bandar Baru Bangi, Selangor

Tarikh kemaskini RIMUP 07/02/2022

Nombor Siri NPRA(R2/1)200219/365